

Augustinus &c. &c. Priorem agebam in conventu nostro Turonensi cùm dominus de Razilly priusquàm obiret, sui etiamnùm apprimè compos ac conscius, quæ de illo colloquio antè commemoraverat, iteratò testatus est esse vera. Sed & hæc eadem narrarat patri Nicolao a Visitatione prædecessori meo eodem in munere Prioris, subjeceratque edixisse se viris istis, non placuisse sibi ea consilia aut colloquia, quippè in quibus nihil agebatur aliud, quàm ut passioni suæ atque utilitati inservirent. In quorum fidem has propriâ manu scriptas signavi, & signari curavi per assistentem nostrum, atque insuper sigillo officii nostri munivi. Actum Turonibus 29 Julii 1687. Fr. Marcus a Nativitate Virginis, Provincialis Carmelitarum in provinciâ Turonensi. — Fr. Josephus a Jesu Maria, assistens R. P. Provincialis. — Nos Fr. Nicolaus a Visitatione Religiosus ordinis B. Mariæ Montis Carmeli, declaramus audivisse nos ex ipso D. de Razilly tùm cùm Prioris munereungebamur Turonibus ann. 1649, 1650, ea quæ pater noster Provincialis R. P. Marcus a Nativitate Virginis, refert de colloquio, cui interfuere D. Sancyranus, D. Jansenius, & aliquot alii, in quo consilia contulerunt, quæ deindè executioni mandata sunt, ut vulgo compertum est. In quorum fidem, hæc manu meâ signavi, atque apponi curavi conventûs nostri sigillum. Actum Turonibus 29 Julii 1687. Fr. Nicolaus a Visitatione.

NOUVELLES